



## საქართველოს მთავრობის განკარგულება

№185 2014 წლის 7 თებერვალი ქ. თბილისი

2014 წლის საბეჭდი ქაღალდის სახელმწიფო შესყიდვის  
კონსოლიდირებული ტენდერის საშუალებით  
განხორციელების თაობაზე

შემსყიდველი ორგანიზაციების 2014 წლის სახელმწიფო შესყიდვების გეგმების პარამეტრებისა და 2013 წელს ჩატარებული საბეჭდი ქაღალდის კონსოლიდირებული ტენდერებისა და მათი შედეგების ანალიზის გათვალისწინებით:

1. „სახელმწიფო შესყიდვების შესახებ“ საქართველოს კანონის 20<sup>2</sup> მუხლის შესაბამისად, სახელმწიფო ორგანიზაციების საჭიროების უზრუნველსაყოფად, 2014 წლის განმავლობაში საბეჭდი ქაღალდის სახელმწიფო შესყიდვის განსახორციელებლად ჩატარდეს კონსოლიდირებული ტენდერი სახელმწიფო შესყიდვების ერთიანი ელექტრონული სისტემის მეშვეობით.

2. 2014 წლის საბეჭდი ქაღალდის ტენდერის ჩატარებისა და მისი შემდგომი ადმინისტრირების მიზნით, შეიქმნას 2014 წლის საბეჭდი ქაღალდის კონსოლიდირებული ტენდერის სატენდერო კომისია და დამტკიცდეს მისი თანდართული შემადგენლობა და საქმიანობის წესი.

3. საჯარო სამართლის იურიდიულმა პირმა – კონკურენციისა და სახელმწიფო შესყიდვების სააგენტომ უზრუნველყოს 2014 წლის საბეჭდი ქაღალდის კონსოლიდირებული ტენდერის სატენდერო დოკუმენტაციის

მომზადება და კონსოლიდირებული ტენდერის ჩატარების მიზნით კანონმდებლობით დადგენილი სხვა აუცილებელი სამართლებრივი და ორგანიზაციული ღონისძიებების განხორციელება.

4. „სახელმწიფო შესყიდვების შესახებ“ საქართველოს კანონის 19<sup>1</sup> მუხლის პირველი პუნქტის შესაბამისად, საბეჭდი ქაღალდის კონსოლიდირებულ ტენდერში სატენდერო წინადადების წარდგენის საფასური შეადგენს 200 ლარს.

პრემიერ-მინისტრი



ირაკლი ღარიბაშვილი


 დამტკიცებულია  
 საქართველოს მთავრობის  
 2014 წლის 7 თებერვლის  
 № 185 განკარგულებით

**2014 წლის საბეჭდი ქალაქის კონსოლიდირებული ტენდერის  
სატენდერო კომისიის შემადგენლობა და საქმიანობის წესი**

1. 2014 წლის საბეჭდი ქალაქის კონსოლიდირებული ტენდერის სატენდერო კომისია (შემდგომში – სატენდერო კომისია) შექმნილია 2014 წლის საბეჭდი ქალაქის კონსოლიდირებული ტენდერის პირობებისა და ფასის განსაზღვრის, ტენდერის ჩატარებისა და მისი შემდგომი ადმინისტრირების მიზნით.

2. სატენდერო კომისიის შემადგენლობაში შედიან:

- |                           |  |
|---------------------------|--|
| <b>ირაკლი ქარსელაძე</b>   | – საქართველოს მთავრობის კანცელარიის უფროსის მოადგილე – ადმინისტრაციული დეპარტამენტის უფროსი, სატენდერო კომისიის თავმჯდომარე; |
| <b>ლევან რაზმაძე</b>      | – სსიპ – კონკურენციისა და სახელმწიფო შესყიდვების სააგენტოს თავმჯდომარე, სატენდერო კომისიის წევრი;                            |
| <b>დიმიტრი ქუმსიშვილი</b> | – საქართველოს ეკონომიკისა და მდგრადი განვითარების მინისტრის პირველი მოადგილე, სატენდერო კომისიის წევრი;                      |
| <b>გიორგი ჯავახიშვილი</b> | – საქართველოს ფინანსთა მინისტრის მოადგილე, სატენდერო კომისიის წევრი;   |

- დავით ხუციშვილი** – საქართველოს შინაგან საქმეთა მინისტრის მოადგილე, სატენდერო კომისიის წევრი;
- ალექსი ბატიაშვილი** – საქართველოს თავდაცვის მინისტრის მოადგილე, სატენდერო კომისიის წევრი.

3. სატენდერო კომისიას ხელმძღვანელობს სატენდერო კომისიის თავმჯდომარე, ხოლო მისი არყოფნის შემთხვევაში – თავმჯდომარის დავალებით სატენდერო კომისიის ერთ-ერთი წევრი.

4. სატენდერო კომისიის სხდომა უფლებამოსილია, თუ მას ესწრება სატენდერო კომისიის წევრთა სიითი შემადგენლობის ნახევარზე მეტი. სატენდერო კომისიის სხდომა ტარდება საჭიროებისამებრ.

5. სატენდერო კომისიის სხდომაზე გადაწყვეტილება მიიღება სატენდერო კომისიის დამსწრე წევრთა ხმათა უმრავლესობით. ხმათა თანაბრად გაყოფის შემთხვევაში, გადამწყვეტია სატენდერო კომისიის თავმჯდომარის ხმა.

6. სატენდერო კომისიის წევრს, რომელიც არ ეთანხმება სატენდერო კომისიის გადაწყვეტილებას, უფლება აქვს, წერილობით წარადგინოს თავისი აზრი, რომელიც უნდა დაერთოს სატენდერო კომისიის გადაწყვეტილებას.

7. კონსოლიდირებულ ტენდერთან დაკავშირებული სატენდერო კომისიის ნებისმიერი გადაწყვეტილება აისახება ოქმში, რომელსაც ხელს აწერს სატენდერო კომისიის სხდომის დამსწრე ყველა წევრი. სისტემაში ატვირთვის მიზნით, შესაძლებელია სატენდერო კომისიის სხდომის ოქმი ელექტრონული საშუალებების გამოყენებით (მაგ. ელ. ფოსტა) შეთანხმდეს სატენდერო კომისიის წევრებთან, შემდგომი ხელმოწერის პრაქტიკის გამოყენებით.

8. სატენდერო კომისიის ორგანიზაციულ საქმიანობას უზრუნველყოფს საჯარო სამართლის იურიდიული პირი – კონკურენციისა და სახელმწიფო შესყიდვების სააგენტო.